

Jasmina Bišćević Tokić
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Vladi Kantona Sarajevo i Ministarstvu za rad, socijalnu politiku, raseljena lica i izbjeglice Kantona Sarajevo

PREDMET: INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16), upućujem inicijativu Vladi Kantona Sarajevo i Ministarstvu za rad, socijalnu politiku, raseljena lica i izbjeglice Kantona Sarajevo za donošenje Uredbe kojom bi se propisala obaveza poslodavcima koji se bave trgovinom u Kantonu Sarajevo da radnici/ce koji rade za kasom moraju imati stolicu prilikom rada.

OBRAZLOŽENJE

U Kantonu Sarajevo ne postoji jasna Uredba kojom bi se obavezali poslodavci koji se bave trgovinom da internim pravilnikom definišu stolicu kao stalno sredstvo za rad. Mnoštvo poslodavaca, a što je posebno vidljivo u većim trgovačkim centrima radnike/ce koje rade za kasom prisiljavaju da stoje osam sati dnevno bez jasnog razloga i obrazloženja za isto. Sa medicinske strane dugotrajno stajanje dovodi do bolova u vratnoj i leđnoj kičmi, zglobovima kuka, koljena i skočnog zgloba, dovodi do poremećaja cirkulacije i kao posljedica nastaju proširene vene, otečene nogu, bolna stopala, degenerativni procesi na zglobnim površinama praćeni deformitetima i bolovima. Pravilnom ergonomskom procjenom radnog mjesta treba kasirkama obezbjeđiti kvalitetnu stolicu koja će pomoći da se smanji fizičko naprezanje i posljedično obolijevanje, a time bi se smanjilo i odsustvovanje sa posla-bolovanje, kao i invalidnosti. Smanjenjem invalidiziranja radnika imaćemo rezultate i posebne finansijske benefite za pojedinca, privredu, zdravstvene fondove i državu.

Iz tog razloga smatram da Uredbom mora biti jasno propisana obaveza poslodavcima u Kantonu Sarajevo da radnici/ce prilikom rada za kasom moraju imati stolicu. Nadzor nad povodjenjem navedene Uredbe bi vršila Kantonalna uprava za inspeksijske poslove Kantona Sarajevo, Inspektorat rada, zaštite na radu i socijalne zaštite.

S poštovanjem,

Jasmina Bišćević Tokić, Zastupnica u Skupštini Kantona Sarajevo